



Broj: 06-04-5869-53/24
Sarajevo, 25.03.2024.godine

SKUPŠTINA KANTONA SARAJEVO -OVDJE-

Predmet: Izjašnjenje na zastupničku inicijativu zastupnika Čičić Davora, dostavlja se

Zastupnik Davor Čičić je u okviru 14. Radne sjednice Skupštine Kantona Sarajevo, uputio zastupničku inicijativu prema Vladi Kantona Sarajevo i Ministarstvu za boračka pitanja Kantona Sarajevo, a odnosi se na to:

“Da Ministarstvo za boračka pitanja Kantona Sarajevo razmotri mogućnost osnivanja Veteranskog centra za boračku populaciju KS i otkupi od sadašnjih vlasnika i renovira u izvornom obliku objekat bivšeg Doma penzionera Novo Sarajevo, ulica Aleja lipa 56, lociran na k.č. 1151 K.O. Novo Sarajevo II kao objekat značajan za kulturno historijsko naslijeđe KS u kojem bi se uspostavio navedeni Veteranski centar.”

U obrazloženju inicijative, između ostalog, navedeno je i slijedeće: da je Zavod za zaštitu kulturno historijskog i prirodnog naslijeđa KS u svom mišljenju broj: 1376/23, Z14, Z20 od 12.10.2023. godine naveo da na osnovu preliminarnog pregleda objekta i ambijenta u kojem je lociran, objekat bivšeg Doma penzionera u ulici Aleja lipa 56 u kome zaključuje da objekat posjeduje i arhitektonsku i ambijentalnu vrijednost i da bi kao takav trebao biti sačuvan i zaštićen, kao i egistirajući u izvornom obliku ovaj objekat je rijedak primjerak izvorno stilski sačuvane arhitekture objekata internacionalnog stila u Kantonu Sarajevo. U vrijeme agresije na BiH i opsade Sarajeva u navedenom objektu se nalazio i štab Armije Bosne i Hercegovine odakle se rukovodila odbrana Trga Heroja, naselja Hrasno, a time i odbrana grada u cjelini, što mu kao takvom daje dodatnu povijesnu vrijednost objekta koji treba zaštititi i radi njegovanja kulture sjećanja i kao potencijalnog spomen obilježja ili eventualno muzeja jedinice Armije BiH koja je u njemu u tom razdoblju boravila. Zbog toga inicijativu dostavlja i Ministarstvu za boračka pitanja kako bi dali svoje mišljenje i potencijalno podržali inicijativu, te da Vlada KS ovo Ministarstvo razmotre mogućnost otkupa od trenutnih vlasnika i renoviranja ove za Kanton Sarajevo vrijedne građevine čime bi postigli širu korist za društvenu zajednicu zaštitili i stavili u funkciju vrijedan objekat za kulturno historijsko naslijeđe Kantona Sarajevo i u njemu osnovali Veteranski centar za boračku populaciju KS.”

Na pokrenutu zastupničku Inicijativu dajemo slijedeće



I Z J A Š N J E N J E

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Aktivnosti koje se odnose na otkup i eksproprijaciju nekretnina, u okviru ovog ministarstva vezane su isključivo za projekte i podprojekte definirane Odlukom o usvajanju Projekta "Opsada i odbrana Sarajeva 1992-1995. godine" ("Službene novine Kantona Sarajevo", br. 9/06, 15/07, 35/12 i 29/15) i neovisno od ove odluke kada su u pitanju projekti izgradnje spomen obilježje.

Smatramo da je inicijativa upućena od zastupnika Davora Čičića veoma interesantna i za njenu realizaciju bio bi neophodan multidisciplinirani pristup. Naime, nužno bi se u realizaciji ove inicijative morala uključiti Općina Novo Sarajevo u cilju utvrđivanja statusa samog napuštenog objekta, utvrđivanje vlasničke strukture i projekcije mogućnosti eventualnog otkupa istog.

Tek nakon rješavanja imovinsko-pravnih odnosa moglo bi se pristupiti formiranju javne ustanove iz oblasti socijalne zaštite koja bi provodila djelokrug rada Veteranskog centra Kantona Sarajevo, kako je u inicijativi navedeno.

Nakon što se provedu navedene i eventualne druge aktivnosti, odnosno steknu uvjeti, ovo ministarstvo bilo bi spremno participirati cijenu smještaja naših veterana koji su u potrebi za smještajem u ovu vrstu ustanove.

S poštovanjem,

Dostaviti:

- ⒸPredsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

